

INUIT ATAQATIGIIT

INATSISARTUNI



Nuuk, d. 29. april 2015

Inatsisartut suleriaasianni § 37 imm. 1 naapertorlugu Naalackersuisunut ima apeqquteqarpunga:

(Inatsisartuni ilaasorta, Sara Olsvig, Inuit Ataqatigiit)

Apeqqutit:

- 1) § 37 tunngavigalugu apeqquteqaatinnut kingullermut Naalackersuisut akipput eqqartuussuserisoq Pituffimmi kiffartuussinermut isumaqatigiissut pillugu misissueqquneqarsimasoq eqqartuussuserisunut ileqquusut pillugit maleruaqqusat malillugit misissuineramik aallartinneqareersumik isumaginnissinnaanngitsutut nalilerneqarmat. Sooq taama naliliisoqarpa kinalu taama naliliiva?
- 2) Naalackersuisut akissutiminni aamma allapput Advokatrådets Responsumudvalgiata Bruun & Hjejle Namminersorlutillu oqartussat tapersissappagit misissuineq nanginneqassasoq. Namminersorlutik Oqartussat sumut taperseqqugamik?
- 3) Namminersorlutik Oqartussat taperserneqassappata eqqartuussuserisumut misissuititsineq juunimi ukioq manna naammassisinnaassasoq nalilerneqarpoq. Namminersorlutik Oqartussat taperserneqassanngippata, taava qaqugu misissuineq naammassineqarsinnaassangatinneqassava?
- 4) Namminersorlutik Oqartussat taperserneqarpata taperserneqanngippataluunniit eqqartuussuserisumut misissuititsineq akisunerusunngussangatinneqarpa?
- 5) Aviisimi AG-mi apriliip 29-ni saqqummersumi allassimavoq apersorneqarsimasut ilaat oqarsimasoq eqqartuussuserisoq toqqarneqarsimasoq "Siumukkunnut, Siulittaasup Naalackersuisoqarfianut Pituffimmullu tunngasuni illuatungeriinnut qanippallaartoq". Taamatut oqartoqarsimanera Naalackersuisunit qanoq isumaqarfigineqarpa?

Tunngavilersuut:

Naalackersuisut § 37 tunngavigalugu eqqartuussuserisumut misissueqqusisimaneq pillugu apeqqutigisimasannut apriliip 21-ni akissuteqarput. Akissutinili inerniliussat erseqqissumik nassuiarneqanngillat Naalackersuisullu Siulittaasua apriliip 22-ni akunnermi apeqquteqarfimmi apeqqutinnut itisileeqqusissutinnut aamma akinani. Eqqartuussuserisumut misissuititsineq akileraartartut aningaasaataannik 700.000 kr 1 mio. kr.-nillu akornanni akeqartussaassangatinneqarpoq. Pissusissamisuuginnassaaq Inatsisartut innuttaasullu aningaasat taakkua Naalackersuisunit qanoq atorneqarniarnersut paasisaqarfigisinnaappassuk. Taamaammat itisileeqqusillunga apeqquteqarpunga.

Apeqqutikka ullut suliffiit qulit qaangiutsinnagit akineqarsimanissaat kissaatigaara.